

Pergunta frekvente sira

1. Saida mak Protection visa?

Protection visas fó ba ema (ka sira-nia membru família) ne'ebé enfrenta risku réal atu hetan danu signifikativu ka possibilidade réal atu hetan persegisaun se sira fila ba sira-nia rai. Se Ita hetan Protection visa, Ita labele halo viajen ba nasaun ne'ebé Ita buka hela Austrália nia protesaun hasoru nasaun refere, sein autorizasaun husi Governu Austrália, maske Ita-nia familia hela iha ne'ebá.

Labele aplika ba Protection visa nu'udar meius hodi hanaruk Ita-nia tempu hela iha Austrália hodi asegura empregu ho pagamentu.



Ami enkoraja tebes Ita atu buka [konsellu legál gratuítu](#) husi espesialista forneseidór konsellu legál kona-ba refujiadu no imigrasaun hodi hatene sekarak Ita elejivel ba Protection visa.

2. Sé mak elejivel hodi aplika ba Protection visa iha Austrália?

Protection visas fó ba ema (ka sira-nia membru família) ne'ebé enfrenta risku réal atu hetan danu signifikativu se sira fila ba sira-nia rai ka possibilidade réal atu hetan persegisaun bazeia ba:

- rasa
- relijiaun
- nasionalidade
- sai membru iha grupu sosiál partikulár ka
- opiniaun polítika

Númeru aplikasaun ba Protection visa ne'ebé rejeadu mak aas liu tebes düké númeru aplikasaun ne'ebé hetan susesu. Maizumenus, liu 85% husi aplikasaun hotu-hotu mak rejeadu, tanba la prienxe rekizitu sira ba vistu ne'e. Aplikasaun sira husi nasionalidade balu kuaze 100% mak rejeadu.

Dala ruma iha vistu sira seluk ne'ebé apropiadu liu ba Ita-nia sirkunstánsia. Informasaun liután kona-ba buka vistu ne'ebé korretu mak disponivel iha [website Departamentu Asuntu Internu](#).

3. Presiza tempu hira hodi prosesu aplikasaun ba Protection visa?

Halo ona mudansa boot sira ba prosesu aplikasaun ba Protection visa hodi aselera tempu prosesu-mentu nian, no agora daudaun maioria husi aplikasaun foun sira hetan desizaun kuaze dala 8 lailais liu bainhira kompara ho tinan hirak ikus ne'e. Ida-ne'e signífika fó Protection visas lailais liu ba ema sira ne'ebé presiza duni, no rejeadu keda sira ne'ebé aplika ba Protection visa tanba de'it hakarak serbisu ka hanaruk nia tempu hela iha Austrália.

Tenke hatene sekarak Ita uza asesór migrasaun ne'ebé la rejeadu hodi aplika ba Protection visa, dala ruma Ita tenke selu osan barak no Ita-nia aplikasaun ba Protection visa sei rejeadu lailais de'it. Ami enkoraja tebes Ita atu buka konsellu legál gratuítu husi espesialista forneseidór konsellu legál kona-ba refujiadu no imigrasaun hodi hatene sekarak Ita elejivel ba Protection visa.

Dala ruma iha vistu sira seluk ne'ebé apropiadu liu ba Ita-nia sirkunstánsia. Informasaun liután kona-ba buka vistu ne'ebé korretu mak disponivel iha [website Departamentu Asuntu Internu](#).

4. Saida mak akontese se ha'u-nia Protection visa hetan rejeadu?

Se Ita-nia aplikasaun ba Protection visa hetan rejeadu, Ita labele aplika ba maioria husi vistu sira seluk no tenke sai husi Austrália. Se Ita la iha vistu válidu, dala ruma Ita bele hetan detensaun no hasai husi Austrália. Se Ita-nia aplikasaun ba Protection visa hetan rejeadu, dala ruma susar mós ba Ita no Ita-nia família atu vizita Austrália iha futuru. Bele mós fó impaktu ba Ita-nia aplikasaun iha futuru ba vistu sira ba nasaun sira seluk iha Austrália nia li'ur, depende ba tipu vistu ne'ebé Ita aplika ba.

Iha konsekuénsia séria ba ema sira ne'ebé aplika ba Protection visa no fó dokumentu falsu ka infor-masaun inkorreta iha sira-nia aplikasaun, inklui multa boot, possibilidade atu hetan pena prizaun to'o tinan 10, ka pena rua ne'e hotu. Dala ruma mós susar ba Ita no Ita-nia família atu tama fali ba Austrália iha futuru, maske kaer hela vistu vizitante, vistu estudante, ka vistu serbisu temporáriu hanesan vistu rejime Mobilidade Trabal-ladór Pasífiku Austrália ([PALM scheme](#)).

Tinan ida-ne'e, Governu Austrália hahú operasaun foun hodi foka ba ema sira ne'ebé aplika ba Protection visa maibé hetan rejeadu, no sira-nia vistu temporáriu mate ona, hodi tau sira iha detensaun no hasai sira husi Austrália. Operasaun ne'e kontínua.



Pergunta frekvente sira

Se Ita detein no hasai husi Austrália, dala ruma Ita tenke selu fali kustu hodi hasai Ita, ne'ebé bele iha kustu dolar rihun ba rihun.

Molok Ita aplika ba Protection visa, ami enkoraja tebes Ita atu buka [konsellu legál gratuiitu](#) husi especialista fornecedor konsellu legál kona-ba refujiadu no imigrasaun.

5. Ha'u bele ka lae aplika ba vistu seluk se ha'u-nia aplikasaun ba Protection visa hetan rejenta?

Se Ita-nia aplikasaun ba Protection visa hetan rejenta, Ita labele aplika ba maioria husi vistu sira seluk no tenke sai husi Austrália. Dala ruma bele susar liu ba Ita no Ita-nia membru família atu filafali ba Austrália.

Se Ita detein no hasai husi Austrália depoizde aplikasaun ba Protection visa mak rejentadu, dala ruma Ita tenke selu fali kustu hodi hasai Ita, ne'ebé bele iha kustu dolar rihun ba rihun.

Aplikasaun ba Protection visa mak rejentadu bele afeta Ita-nia aplikasaun ba vistu sira iha futuru ba nasaun sira seluk iha Austrália nia li'ur, depende ba tipu vistu ne'ebé Ita aplika ba.

Dala ruma iha vistu sira seluk ne'ebé apropiadu liu ba Ita-nia sirkunstánsia. Informasaun liután kona-ba buka vistu ne'ebé korretu mak disponivel iha [website Departamentu Asuntu Internu](#).

6. Ha'u tenke ko'alia ka lae ho asesór migrasaun kona-ba aplika ba Protection visa?

Só bele husu konsellu kona-ba aplika ba Protection visa husi ajente migrasaun sira ne'ebé rejistadu no profisionál jurídku Australianu sira. Ita bele mós husu asisténsia imigrasaun husi ema izentu.

Ema izentu nu'udar ema ida ne'ebé la'ós ajente migrasaun ne'ebé rejistadu ka profisionál jurídku no hanesan ema iha lista tuir mai:

- ema ne'ebé nomeia Ita ka Ita-nia patrosinador
- Ita-nia membru família ne'ebé besik
- membru parlamentu
- membru husi misaun diplomátika
- membru husi postu konsulár
- membru husi organizasaun internasionál

Ema ida ne'ebé la'ós ajente migrasaun ne'ebé rejistadu ka profisionál jurídku Australianu labele husu Ita selu kustu ba sira-nia ajuda. Ida-ne'e konsidera ilegál ba ema izentu ne'ebé husu Ita selu kustu.

Ema ne'ebé la'ós ajente migrasaun ne'ebé rejistadu, profisionál jurídku Australianu ka ema izentu bele fó konsellu sala ba Ita, ne'ebé hamosu risku Ita bele lakon possibilidade ruma atu hela iha Austrália.

La bele husik ema seluk aplika ba Protection visa hodi Ita-nia naran sein komprende saida mak Ita aplika ba, no informasaun saida mak fó iha aplikasaun. Ita tenke garante katak buat hotu iha Ita-nia aplikasaun mak loos, mezmuke ema seluk prienxe no entrega aplikasaun ne'e hodi Ita-nia naran.

Se Ita selu ema ruma hodi hetan konsellu migrasaun, garante katak Ita hetan konsellu ne'e husi ajente migrasaun ne'ebé rejistadu, ka profisionál jurídku Australianu. Ita bele buka hatene sekarak ajente migrasaun ida mak rejistadu ka lae ho haree website [Gabinete Autoridade Rejistu Ajente Migrasaun sira](#).

7. Oinsá ha'u bele buka hetan asesór migrasaun ho reputasaun di'ak hodi ajuda ho ha'u-nia aplikasaun ba Protection visa?



Iha Austrália, ajente migrasaun sira tenke rejistadu ho [Gabinete Autoridade Rejistu Ajente Migrasaun sira \(OMARA\)](#). Ita bele haree website hodi verifika sekarak ajente ida rejistadu ka lae ka hodi buka alternativu.

Operador ilegál sira dala barak anunsia sira-nia servisu sira iha média sosiál no iha grupu chat sira online. Dala ruma sira fó-hatene rekerente sira atu fó informasaun inkorreta bainhira aplika ba Protection visa, no balu husu osan boot ba konsellu ne'ebé la loos ne'e.

Se ema ruma koko atu fó asisténsia imigrasaun ilegál ba Ita, bele fó-hatene ami ho uza [Border Watch Online Report](#) (Denúncia Online kona-ba Monitorizasaun Fronteira). Ita la presiza fó Ita-nia naran.



Pergunta frekvente sira

[Konsellu legál gratuitu](#) husi espesialista fornese dór konsellu legál kona-ba refujiadu no imigrasaun mós disponivel.

8. Se ha'u aplika ba Protection visa ha'u bele fila ba ha'u-nia rai ka lae?

Bainhira Ita aplika ba Protection visa, Ita-nia aplikasaun bele rejaitadu se Ita halo viajen ba nasaun ne'ebé Ita buka hela Austrália nia protesaun hasoru nasaun refere, maski Ita-nia família hela iha ne'ebá.

Se Ita hetan Protection visa, Ita labele halo viajen ba nasaun ida ne'ebé Ita husu ona azilu sein au-torizasaun husi Governu Austrália, maske Ita-nia familia hela iha ne'ebá.

9. Saida mak akontese se ha'u entrega informasaun falsa iha aplikasaun ba Protection visa?

Iha konsekuensi séria ba ema sira ne'ebé aplika ba Protection visa no fó dokumentu falsu ka informasaun inkorreta iha sira-nia aplikasaun, inklui multa boot, possibilidade atu hetan pena prizaun to'o tinan 10, ka pena rua ne'e hotu.

Alende risku atu hetan multa no pena prizaun, dala ruma susar ba Ita no Ita-nia família atu tama fali ba Austrália iha futuru, maski kaer hela vistu vizitante, vistu estudante, ka vistu serbisu temporáriu hanesan vistu rejime Mobilidade Trabalhador Pasífiku Austrália ([PALM scheme](#)).

Kuandu autoridade sira hatene katak Ita fó informasaun falsa ka inkorreta depoizde Ita hetan vistu, Ita-nia Protection visa bele kanseladu. Ita tenke hatene katak bainhira aplikasaun ba Protection visa mak rejaitadu, ka Protection visa mak kanseladu, bele mós fó impaktu ba Ita-nia aplikasaun ba vistu sira iha futuru ba nasaun sira seluk iha Austrália nia li'ur, depende ba tipu vistu ne'ebé Ita aplika ba.

Se ema ruma ne'ebé aplika ba Protection visa husu Ita atu hakerek surat ida hodi suporta nia, Ita só bele halo ida-ne'e se Ita fiar metin katak nia ema ne'ebé buka azilu ho jenuínu no enfrenta risku réal atu hetan danu signifkativu ka iha possibilidade réal katak nia sei hetan persegisaun se nia fila ba nia rai. Enkoraja sira atu asesu [konsellu legál gratuitu](#) husi espesialista fornese dór konsellu legál kona-ba refujiadu no imigrasaun iha sira-nia estadu ka territóriu.

10. Loos ka lae katak Protection visa fó dalan ida hodi hela no serbisu iha Austrália?

Só ema ne'ebé enfrenta risku réal atu hetan danu signifkativu ka possibilidade réal atu hetan persegisaun se nia fila ba nia rai mak

tenke aplika ba Protection visa. Protection visa la fó ba ema sira ne'ebé hakarak de'it hela kleur tan iha Austrália hodi serbisu.

Empreza balu dala ruma oferece oportunidade serbisu iha Austrália ho fó-hatene ema sira ne'ebé kaer vistu temporáriu atu aplika ba Protection visa ho uza informasaun falsa, ne'ebé hamosu risku ba rekerente katak nia vistu bele hetan rejaita no dala ruma nia tenke selu multa boot, bele hetan pena prizaun to'o tinan 10, ka pena rua ne'e hotu. Sira-nia aplikasaun ba vistu sira seluk iha futuru mós bele hetan rejaita.

Agora daudaun estudante sira mós simu konsellu atu kontinua hela iha Austrália ho aplika ba Protection visa ho informasaun falsa. Se rekerente fó informasaun falsa, iha risku katak nia aplikasaun ba vistu bele hetan rejaita, no dala ruma nia bele hetan multa boot, bele hetan pena prizaun to'o tinan 10, ka pena rua ne'e hotu.

Númeru aplikasaun ba Protection visa ne'ebé rejaitadu mak aas liu tebes duka númeru aplikasaun ne'ebé hetan susesu. Em média, liu husi 85% husi aplikasaun hotu-hotu mak rejaitadu tanba la kumpre rekizitu ba visa. Aplikasaun sira husi nasionalidade balu kuaze 100% mak rejaitadu.

Se Ita konsidera daudaun atu aplika ba Protection visa, ami enkoraja tebes Ita atu buka [konsellu legál gratuitu](#) husi espesialista fornese dór konsellu legál kona-ba refujiadu no imigrasaun hodi hatene sekarak Ita elejivel. Dala ruma iha vistu sira seluk ne'ebé apropiadu liu ba Ita-nia sirkunstánsia.

11. Ha'u bele ko'alia ho ema ruma hodi hetan konsellu gratuitu?

Governu Austrália fó [konsellu legál gratuitu](#) husi espesialista fornese dór konsellu legál kona-ba refujiadu no imigrasaun hodi ajuda ema sira komprende sekarak sira elejivel ka lae ba Protection visa.

Ita mós bele haree website [Departamentu Asuntu Internu](#) hodi buka informasaun liután.

